

ДОСААФ-н тооцана болн сунъгъврин хургуд

Хальмг республикин совхоз-мудин болн колхозмудин РТС-н, харслтин предприятъс кѳдлмшян з ѳ в а р ясуулв. СССР-н ДОСААФ-н 4-ч хургин шиидврас иштэгъяр эдн олн амтн дундк кѳдлмшян, сургъулин болн спортивн кѳдлмшян ѳргняр делгрулджаня, шофермудин болн трактористирин курс бурдагъад, дааня халхин спорт нань чигн кѳдлмшмудан му бишяр делгрулджаня.

Западн, Яшалтинск, Каспийск, Юстинск, Приютненск райодин ДОСААФ-н комитетс эклц организацсд саяняр донъ нѳкд болцхана, обществин чледин тонь икар ѳсджаня. Иигдж эднй кѳдлмш ясрдг учрнь— актив элвгар кѳдлмштан орцуллгын. Приютненск болн Юстинск райодин ДОСААФ-н комитетин ахлачнр олн амтн дунд харслтин кѳдлмш делгрулад, 1958 джиля членск взнос мѳнъган кутцднь цуглулдж авцхав. Западн болн Яшалтинск райодин ДОСААФ-н комитетс шофермудин курс чиласн улсас колхозур 8 ку, совхозур 15 ку илгав.

СССР-н ДОСААФ-н Централън Комитетин шиидврар

1958 джилин октябрь-декабрь сард ДОСААФ-н эклц организацсин тооцана боли сунъгъврин хургуд республикар болджана.

Тооцана болн сунъгъврин хургудин ѳмн баах голлгч тѳрнь— олн дунд харслтин кѳдлмш ясуулх, общества шинас члед орулдж авад, обществян батлх, нег улу багъчудас элвгар чледт орулдж авх, кружокст болн курсд орулдж багъчудт спортивн медрл хк тѳр.

Колхозмудин болн совхозмудин ДОСААФ-н эклц организац оданас авн шофермудин, трактористирин, мотористирин, комбайнермудин, мотоциклистирин курсмуд элвгар бурдацхях зѳвтй, селаня эдл-ахун куч-кѳлсчнр дунд харслтин болн спортивн кѳдлмш ѳргняр делгрулцхях зѳвтй.

Тооцана болн сунъгъврин хургудиг ѳѳдан политическ чинртэгъяр келгын КПСС-н XXI хургт белг болх мѳн.

А. ДОБРОСЕРДОВ,
республикин ДОСААФ-н комитетин ахлач.

Редактор Д. М. МУКЕБЕНОВ.